

華陽國志
二





華陽國志

(二)

常璩撰

華陽國志卷六

劉先主志

先主諱備字玄德涿郡涿縣人漢景帝中山靖王勝後也勝子貞元狩六年封涿縣陸城亭侯因家焉祖父雄察孝廉爲東郡范令父弘劉吳何李本作宏早亡此下劉吳何李本無空位先主幼孤其母販履織席自業舍東南角籬上有桑樹生高五丈餘遙望童童如車蓋人皆異之或謂當出貴人先主少時與宗中諸兒戲於樹下言吾必乘此羽葆蓋車叔父子敬謂曰汝勿妄言滅吾門也年十五母遣行學與宗人劉德然遂西公孫瓚俱事故九江太守同郡盧子幹德然父元起常資給先主與德然等元起妻曰各自一家何能常爾起曰宗中有劉李本訛作言此兒非常人也而瓚深與先主善瓚年長先主兄事之喜狗馬音樂美衣服長七尺五寸垂臂下膝顧自見耳能下人喜怒不形於色善交結豪俠年少爭附之中山大商張世平蘇雙等見而奇之多與之金先主由是得合徒何本作從衆河東關羽雲長同郡張飛益何本誤改翼德並以壯烈爲之禦侮先主與二子寢劉李本訛寢則同牀食則共器恩若弟兄然於稠人廣衆中侍立終日中平元年從校尉鄒靖討黃巾賊有功除安喜尉求謁督郵不得乃入縛劉李本作縛執之杖二百以綬繫督郵頭頸着馬柳劉吳何李本並柱委官亡命頃之應大將軍何進募有功除下密丞復爲高唐何本作堂尉遷爲令瓚爲中郎將表先主爲別部司馬拒冀州牧袁紹數有戰功守平原令進領平原相郡民劉平恥爲之下使客刺之客服其

德告之而去。北海相魯國孔融爲黃巾賊所圍。使太史慈求救於先主。先主曰。孔文舉聞天下有劉備乎。

以兵救之。廣陵太守下邳陳登。

御覽有字

元龍太尉球孫也。有雋才輕。

御覽作較

天下士。謂功曹陳矯曰。閉門。

雍穆。

御覽有德二字

有行。吾敬陳元方父子。冰清玉潔。有德有言。吾敬華子魚博。

李本誤

聞強識奇偉。

御覽作逸

卓

聲。吾敬孔文舉。雄姿桀出。有王霸之略。吾敬劉玄德。名器盡此。

此下何本空位有四字

徐州牧陶謙表先主爲豫州。

刺史徐州牧陶。

何本無此四字

謙病篤。謂別駕東海糜。

何本作糜

竺曰。非劉備不能安此州也。謙卒。竺率州人迎先

主。先主未許。廣陵太守下邳陳登進曰。今漢室陵遲。海內傾覆。立功立事在今日。鄙州殷富。戶口百萬。欲

屈使君撫臨州事。先主曰。袁公路近在壽春。此君四世五公。海內所歸。可以州與之。登曰。公路驕豪。非治

亂之主。今欲爲使君合步騎。

何本作騎步

十萬。上可以匡主濟民。成五霸之業。下可以割地守境。書功於竹帛。

若使君不見聽許。登亦未敢聽使君也。北海相孔融謂先主曰。袁術豈憂國忘家者耶。冢中枯骨。何足介

意。今日之事。百姓與能。天與不取。悔不可追。先主。

何本誤生

遂領徐州牧。建安元年。曹公表爲鎮東將軍。

封宜城亭侯。先主與袁術相拒。而下邳守將曹豹叛。爲呂布所敗。先主失妻子。轉軍海西。

李本誤內。惠校改西。

糜本

作糜。各本作糜。

竺進妹爲夫人。及奴客二千。金銀寶物資之。先主因而獲振。連和於布。布還其妻子。先主衆萬餘。

移軍小沛。布惡之。自攻先主。先主歸曹公。曹公以爲豫州牧。益其軍使伐布。失利。布將高順。復虜先主妻

子送布。公使夏侯惇助先主。不能克。三年。公自征布。生禽之。布曰。使布爲明公將騎。天下不足定也。公

有疑色。先主曰。公待布能如丁建陽。董太師乎。公頷之。布曰。先主曰。大耳兒最叵信者也。遂殺布。先主

李本諱

將公謀臣

還得妻子從公還許爲左將軍公禮之甚重出則同輿坐則同席又拜關羽張飛中郎

程昱郭嘉勸公殺先主公慮失英豪望不許袁術自淮南欲經徐州北就袁紹獻帝舅車騎將軍董承

受命衣帶中密詔當殺公承先與先主及長水校尉种輯將軍吳子蘭王子服等同謀以將行未發公從

容謂先主曰天下英雄惟使君與操本初之徒不足數也先主方食失匕箸吳何李本作箸會天震雷先主曰聖

人言迅雷風烈必變良有以也一震之威乃至於此也公亦悔失言先主還沛解李本作解公使覘之見其

方披慙使廝人爲之不端正舉杖擊之公曰大耳翁未之覺也其夜先主急東行昱嘉復言之公馳使追

之不及先主遂殺徐州刺史車胄以叛留關羽行下邳太守事身還小沛而承等謀洩受誅此下劉吳何李本無空位

先主衆數萬遣從事北海孫乾自結於袁紹公遣將軍劉岱王忠擊之不克五年公東征先主先主

敗績妻子及關羽見獲先主奔青州刺史袁譚奉迎道路馳以白父紹紹身出鄴二百里與先主相見公

壯羽勇銳拜偏將軍初羽隨先主從公圍呂布於濮陽時秦宜祿爲布求救於張楊羽啓公妻無子下城

乞納宜祿妻公許之及至城門復白公疑其有色李本誤自納之後先主劉本誤與公獵羽欲於獵中殺

公先主爲天下惜不聽故羽常懷懼公察其神不安使將軍張遼以情問之羽嘆曰吾極知曹公待我厚

然吾受劉將軍恩誓以共死不可背之要當立効以報曹公公聞而義之是歲紹征官渡遣臧將顏良

攻東郡太守劉延於白馬公使遼羽爲先鋒羽望見良麾蓋策馬刺良於萬衆中斬其首還紹將莫敵遂

解延圍公卽表封羽漢壽亭侯重加賞賜羽盡封其物拜書告辭而歸先主左右欲追之公曰彼各有主

先主說紹南連荊州牧劉表。紹遣將其卒兵至汝南。公使將蔡楊

劉李本作楊。下同。吳何本及蜀書並作陽。

擊之。先主謂曰。

吾勢雖不便。汝等百萬來。末如吾何。曹孟德單車來。吾自去。陽等必戰。爲先主所殺。公既破紹。自南征

汝南。先主遣糜竺孫臏詣劉表。表郊迎之。待以上賓。使屯新野。

李本誤

川徐元直致瑯琊諸葛亮曰。孔

明臥龍也。將軍願見之乎。先主曰。君與俱來。庶曰此人可就見。不可屈致也。先主遂造亮凡三。因屏人曰。

漢室傾頽。奸臣竊命。主上蒙塵。孤不度德量力。欲信大義於天下。而智術淺短。遂用猖獗。

何本誤

至于本

於作

今日志猶未已。君謂計將安出。亮對曰。自董卓以來。豪桀

李本作

並起。跨州連郡。不可勝數。曹操比

於袁紹。則名微而衆寡。然遂能克紹。以弱爲彊。

劉李本誤

雖云天時抑人謀也。今操已擁百萬之衆。挾天子

而令諸侯。此誠不可與爭鋒也。孫權據有江東。已歷三世。國險

劉吳何李本作險

而民附。賢能爲之用。此可與本

以作

爲援。而不可圖也。荊州北據漢沔。利盡南海。東連吳會。西通巴蜀。此用武之國。而其主不能

何本及蜀書並有守

殆天所以資將軍也。益州險塞。沃野天府之土。高祖因之以成帝業。劉璋闇弱。張魯在北。國富民殷。

而不知卹。賢能之士思得明君。將軍既帝室之胄。信義著於四海。總覽英雄。思賢如渴。若跨有荊益。保其

險阻。西和諸戎。南撫夷越。結好孫權。內修政理。天下有變。命一上將。將荊州之軍。以向宛洛。將軍身率益

州之衆。出於秦川。天下孰不簞食壺漿。以迎將軍者乎。如此則霸業可成。漢室可興矣。先主曰。善。與亮情

好日密。自以爲猶魚得水也。十三年。表卒。少子琰襲位。曹公南征。琰遣使請降。先主屯樊。不知曹公卒

至。至宛。先主乃知。遂將其衆去。比到當陽。衆十餘萬人。車數千兩。

李本作

日行十餘里。別遣關羽乘舡

劉李

本亦誤

會江陵。或謂先主曰：宜速行。雖擁大衆，被甲者少。曹公軍至，何以禦之？先主曰：夫濟大事，以人爲

本。今人歸吾，何忍棄之？公以江陵有軍實，恐先主劉李本據之，乃釋輜重，以輕騎五千追先主。一日，一

夜行三百里，及於當陽之長坂。先主弃劉李本妻子，與諸葛亮、張飛等數十騎走。公盡獲其民衆，急追先

主。張飛據水斷橋，橫馬案矛曰：我張益吳何本德也，可來決死。公徒乃止。先主邪劉李本作即趣漢津，

適與羽劉李本亦會。而趙雲身抱先主弱子後主，及擁何本作先主甘夫人相及。濟江，亮曰：事急矣，請奉

命求救於孫將軍。時權軍柴桑，既服先主大名，又悅亮奇雅，即遣周瑜、程普水軍三萬助先主拒曹公。大

破公軍於赤壁，焚其舫舟。何本蜀書並公引軍北歸。先主以劉表長子江夏太守琦爲荊州刺史。先主南

平四郡，武陵太守金旋、吳何本作旋劉長沙太守韓元、桂陽太守趙範、零陵太守劉度皆降。盧江雷緒率

部曲數萬口稽顙。琦病死，先主領荊州牧，治公安。孫權進妹，恩好綢繆。以亮爲軍師中郎將，督南三郡

事。以關羽爲盪寇將軍，領襄陽太守，住江北。張飛爲征虜將軍，宜都太守。初，先主之敗東走也，徑往一作

住劉李本作往鄂，無土地。關羽責之曰：早從獵中言，無今日。先主曰：安知此不爲福也。此下劉李本及得荊州，復

有人衆。孫權遣使求共伐蜀。又曰：雅願以隆成爲一家。諸葛孔明母兄在吳，可令相并。主簿殷觀曰：若爲

吳先驅，大事去矣。今但可讚之。言新據諸郡，未可以動。彼必不越我而有蜀也。先主乃報曰：益州不明，得

罪左右。庶幾將軍高義上匡漢朝，下輔宗室。若必尋干戈，備將放髮於山林，未敢聞命。權果輟計，遷觀別

駕。十六年，益州牧劉璋遣法正迎劉李本有遂西入益州。建安十九年，先主克蜀，蜀中豐富，盛樂置酒。

大會饗食三軍。取蜀城中民金銀，頒賜將士，還其穀帛，賜諸葛亮、法正、關羽、張飛金五百斤，銀千斤，錢五十萬，錦萬疋。其餘各有差，以亮爲軍師將軍，署左將軍府事，正揚武將軍，蜀郡太守，關羽督荊州事，張飛爲巴西太守，馬超平西將軍，不用許靖。法正說曰：「有獲虛譽而無實者，靖也。然其浮名，稱播海內，人將謂公輕士，乃以爲長史。」龐羲爲司馬，李嚴爲犍爲太守，費觀爲巴郡太守，徵益州太守，南郡董和掌軍中郎。太守漢嘉王謀爲別駕，廣漢彭萊爲治中，辟零陵劉巴爲西曹掾。劉李本作掾廣漢長黃權爲偏將軍，於是亮爲股肱，正爲謀主，羽飛何本作飛羽超爲爪牙，靖羲及糜竺、簡雍、孫乾、山陽伊籍爲賓友，和、嚴、權、本、劉璋所授用也。吳懿、費觀、璋之婚親也。彭萊、璋所排擯也。劉巴已所宿恨也。皆處之顯位，盡其器能，有志之士，無不競勸。羣下勸先主納劉瑁劉本誤瑁妻，先主嫌其同族，法正曰：「論其親疏，何異？劉李本作與晉文之於子圉乎？從之。」正旣臨郡，睚眦之怨，一泯之惠，無不報復。或謂諸葛亮曰：「法正蜀郡太縱橫，將軍宜啓主公。」亮曰：「公之在公安也，北畏曹操之強，東憚孫權之逼，內慮孫夫人，興變於肘腋之下，孝直爲輔翼，遂翻飛翺翔，不可復制，如何禁法？」本作正使不得行其志也。蜀書法正傳有初字孫夫人才捷剛猛，有諸兄風，侍婢百人，皆杖劍侍立。先主每下車，心常凜凜。正勸先主還之。二十年，孫權使使報先主，欲得荊州。先主報曰：「吾方圖涼州，涼州定，以荊州相與。」孫權怒，遣呂蒙襲奪長沙、零陵、桂陽三郡。先主下公安，令關羽入益陽，會曹公入漢中。張魯定巴西，黃權進曰：「若失漢中，則三巴不振，此割蜀人股臂也。於是先主與吳連和，分荊州、江夏、長沙、桂陽、東屬、南郡、零陵、武陵。」劉李本作誤陽西屬引軍還江夏，以權爲護軍，迎魯。魯已北降曹公，權破公所署三巴。

太守杜濩

此下應連寫。劉吳何李本無空位。

朴胡袁約等公留征西將軍夏侯淵益州刺史趙顓及張郃守漢中公東還

郃數犯掠巴界先主率張飛等進軍宕渠之蒙頭拒郃相持五十餘日飛從他道邀郃戰於陽石遂大破

郃軍郃失馬緣山獨與麾下十餘人從間道還南也二十一年先主還成都二十二年蜀郡太守法

正進曰曹操一舉降張魯定漢中不因此勢以圖巴屬劉吳何李本作蜀而留淵郃身還北還非智不逮

力不足將內有憂逼耳今筭淵郃才略不勝我將率舉衆往討則必可禽天以興我時不可失也先主從

之以問儒林校尉巴西周羣羣對曰當得其地不得其民若出偏軍必不利先主遂行諸葛亮居守足食

足兵元誤共劉吳何李本並作兵也二十三年先主急書發兵軍師亮以問從事韃爲楊洪洪對曰漢中蜀之喉咽存

亡之機若劉吳何李本作若無漢中則無蜀矣此家門之禍男子當戰女子當運發兵何疑亮以法正從行白劉

曰先主以洪領蜀郡太守後遂卽眞初洪爲韃爲太守李嚴功曹去郡數年已爲蜀郡嚴故在職而蜀

郡何祇爲洪門下書佐去郡數年已爲廣漢太守洪故在官是以西土咸服亮之能攬拔英秀也後洪祇

俱會亮門下洪謂祇曰君馬何駛吳何本作駛下同祇對曰故吏馬不爲駛明府馬不進耳二十四年先主定漢

中斬夏侯淵張郃率吏民內徙先主遣將吳蘭雷銅蜀志作入武蜀志作成都都皆沒乃舉羣茂才時州後部

司馬張裕亦知占術坐漏言言先主得蜀寅卯之間當失漢蜀志作四年在庚子誅曹公爲魏王王西

征聞法正策曰固知元德不辨此又曰吾收奸雄略盡獨不得正邪羣下上先主爲漢中王大司馬以

許靖爲太傅法正爲尙書令零陵賴恭爲太常南陽黃權爲光祿勳王謀爲少府武陵廖立爲侍中關羽

爲前將軍張飛爲右將軍馬超爲左將軍皆假節鉞又以黃忠爲後將軍趙雲翊軍將軍其餘各進官號軍師諸葛亮曰黃忠名望本非關張馬超之倫也今張馬在近親見其功猶可喻指關遙聞之恐必不悅先主曰吾自解之時關羽自江陵圍圖何本作曹仁於樊城遣前部司馬韓爲費詩拜假節羽怒曰大丈夫終不與老兵同列不肯受拜詩謂曰昔蕭曹與高祖幼舊陳韓亡命後至其班何本誤爵韓最居上未聞蕭曹以此爲怨今王以一時之功隆崇於漢升黃忠字也李本加漢升二字注在書頭吳何本止忠字兩字意之輕重寧當與君侯齊乎

王與劉李本無與字君侯譬猶一體禍福同之愚謂君臣不宜計官號之高下爵位之多少也羽卽受拜初羽聞馬超來降素非知故書與諸葛亮問其人才亮知羽忌蜀書關某傳作譏前答曰孟起黥彭之徒一世之傑當與益德並驅爭先猶不如髯之絕倫也羽省書忻悅以示賓客羽美鬚何本作髭故亮稱云髯也羽臂嘗中

流矢每天陰疼痛醫言矢鋒有毒須破臂刮毒患乃可除羽卽伸臂使治時適會客臂血流離盈於盤劉作盤器而羽引酒割炙言笑自若魏王遣左將軍于禁督七李本闕七軍三萬人救樊漢水暴長皆爲羽所獲又殺魏將龐德威震華夏魏王議徙許都以避其銳而孫權襲江陵將軍傅士仁南郡太守糜

何李本作糜芳降吳羽久不拔城魏右將軍徐晃救樊羽退還遂爲孫權所殺吳盡取荊州以潘璋爲荊州牧住秭歸是歲尙書令法正卒諡曰翼侯以尙書劉巴爲尙書令二十五年春正月魏武王薨嗣王丕

卽位改元延康蜀傳聞漢帝見害先主乃發喪制服追諡曰孝愍皇帝所在並言衆瑞故議郎陽何本作楊泉亭侯劉豹青衣侯向舉偏將軍張裔黃權司馬屬殷純別駕趙祚治中楊洪從事祭酒何宗議曹從事

杜瓊勸學從事張爽尹默譙周等上河洛符驗孔子所甄劉李本有水字蜀書有驗應自遠謹按洛書甄曜度曰赤三日德昌九世會

備合爲帝際洛寶書蜀書何本並作書寶號命曰天度帝道備稱皇又言周羣父未亡時數言西南有黃氣立數十

丈而景雲祥風從璇璣下來應之如圖書必有天子出方今大王應際而生與神合契願速卽洪業以寧

海內先主未許冬魏王丕卽皇帝位改元黃初漢獻帝遜位爲山陽公章武元年魏黃初二年也春太

傅許靖安漢將軍麴劉吳何李本作麴竺軍師將軍諸葛亮太常賴恭光祿勳黃權少府王謀等乃勸先主紹漢絕

統何本二字倒卽帝號先主不許亮進曰昔吳漢耿弇等勸世祖世祖辭讓耿純進曰天下英雄喁喁冀有所

望若不從議者士大夫各歸求主無從公也世祖惑劉吳何李本作惑之今曹氏篡漢天下無主大王紹世而起乃

其宜也士大夫隨大王久勤苦者亦欲望尺寸之功如純言耳先主乃從之亮與博李本謨士許慈議郎

孟光建立禮儀擇令辰費詩上疏曰殿下以曹操父子逼主篡位故乃羈旅萬里糾合士衆將以討賊今

大敵未克而先自立恐人心疑惑昔高祖與楚約先破秦者王及屠咸陽獲子嬰猶推讓況今殿下未出

門便欲自立愚臣誠不爲殿下取也朝廷劉吳何李本作廷左遷詩吳何本作帥部永昌從事夏四月丙午先主卽帝

位大赦改元章武以諸葛亮爲丞相假節錄尙書許靖爲右司徒張飛車騎將軍領司隸校尉進封西鄉

侯馬超驃騎將軍領涼州刺史封縻劉李本作縻鄉侯北督臨沮偏將軍吳懿爲關中都督進何本有侯字魏延鎮

北將軍李嚴輔漢將軍襄陽馬良爲侍中楊儀爲尙書蜀郡何宗爲鴻臚立宗廟祫祭高皇帝世祖光武

皇帝五月辛巳立皇后吳氏吳懿妹劉璋兄瑁妻也子禪爲皇太子六月立子永爲魯王理爲梁王

先主將東征以復關羽之恥命張飛率巴西萬兵將會江州飛帳下將張達范疆劉李本誤疆殺飛持其首

奔吳初飛羽勇冠三國俱稱萬人之敵羽善待小人而驕士大夫飛愛敬君子而不卹小人是以致敗先

主常戒之曰卿刑殺過差鞭撻健兒令在左右此取禍之道飛不悟故敗先主聞飛營軍都督之有表也

曰噫飛死矣命丞相亮領司隸校尉秋七月先主東伐羣臣多諫不納廣漢秦宓上陳天時必無其利

先主怒執之于理孫權送書請和先主不聽吳將陸議李異劉阿等軍空何本無至字秭歸左右領軍南郡

馮習陳留吳班自建平攻破異等軍次秭歸武陵五溪蠻夷遣使請兵二年春正月先主軍秭歸吳班

陳戒李本作畿蜀志作式劉本作誠等水軍屯夷陵夾江東西岸二月將進黃權諫曰吳人悍戰而水軍沔流進易

退難臣請爲先驅以嘗何本作當寇陛下宜爲後鎮先主不從以權爲鎮北將軍督江北軍先主連營稍前

軍於夷道猯亭遣侍中馬良經假山安慰五溪蠻夷夏六月黃氣劉李本作氣見自秭歸十餘里中廣十餘

丈後十數日與吳人戰先主敗績馮習及將張南皆死先主嘆曰吾之敗天也委舟舫由步道還魚復將

軍義陽傅彤爲後殿李本作殿後兵衆死盡彤氣益烈吳將喻令降彤罵曰吳狗何有漢將軍降者遂戰死從

事祭酒程畿獨泝江退衆曰後追以何本作已至宜解舫輕行畿曰吾在軍未習爲敵之走況從天子乎亦

見殺黃權偏軍孤絕遂北降魏李異劉阿等踵何本作追先主屯南山先主改魚復曰永安丞相亮

聞而嘆曰法孝直若在則能制主上使不東行歸劉吳何本作既法正傳作就復東行必不傾危矣八月司徒靖卒

是歲驃騎將軍馬超亦卒臨沒上疏曰臣宗門二百餘口爲孟德所誅略盡唯從弟岱當爲微宗血食之

係。劉李本作繫。深託陛下。岱官至平北將軍。拜彤子僉左右。何本作郎將。冬十月。詔丞相亮營南北郊於成

都。孫權聞先主在白帝。甚懼。遣使請和。先主使太。劉本作大。中大夫人南陽宗瑋報命。十有一月。先主寢。

本誤。疾。十有二月。漢嘉太守黃元素。亮所不善。聞先主疾。何本作寢。病。慮有後患。舉郡兵。何本作兵。拒守。三

年春正月。召丞相亮於成都。詔亮省疾于永安。元燒臨邛城。治中從事楊洪啓太子。遣將軍陳智鄭綽。由

青衣水伐元。滅之。二月。亮至永安。先主謂曰。君才十倍曹丕。必能安國。終定大事。若嗣子可輔。輔之。如

其不才。君可自取。亮涕泣對曰。臣敢不字。劉李本有。不竭股肱之力。効忠貞之節。繼之以死。先主又爲詔勅太子

曰。汝與丞相從事。事之如父。亮與尙書令李嚴。並受寄託。夏四月。先主殂。何本作崩。於永安宮。時年六十

三。亮表後主曰。大行皇帝邁仁樹德。覆育無疆。原訛疆。劉李吳何本作疆。昊天不弔。今月二十四日。奄忽升遐。臣妾號

咷。如喪考妣。乃顧遺。何本誤。詔事。何本作是。武侯集作事。惟太宗百寮。發哀三日除服。到葬。何本有。復服。其郡國守

相令長丞尉。三日除服。五月。梓宮至成都。諡曰昭烈皇帝。秋八月。葬惠陵。

讚曰。漢末大亂。雄傑並起。若董卓。呂布。二袁。韓。馬。張。楊。劉。表。之徒。兼州連郡。衆踰萬計。叱咤之間。皆自謂

漢祖可踵。桓文易邁。而魏武神武幹略。戡屠盪盡。于。李本作於。時先主名微人鮮。而能龍興鳳舉。龍興鳳舉四字。元作注。

劉吳何李本作大文。伯豫君徐。假翼荆楚。翻飛梁益之地。元允漢祚。而吳魏與之鼎峙。非英才命世。孰克如之。然必

以曹氏替漢。宜扶信順。以明至公。還乎名號。爲義士所非。及其寄死託孤於諸葛亮。而心神無貳。陳子以

爲君臣之至公。古今之盛軌也。

華陽國志卷七

劉後主志

後主諱禪字公嗣先主太子甘夫人所生也。襲位時年十七。建興元年夏五月。後主卽位。尊皇后吳氏曰皇太后。大赦改元。於魏黃初四年。吳黃武二年也。立皇后張氏。車騎將軍張飛女也。封丞相亮武鄉侯。劉本誤卿下同中護軍李嚴假節加光祿勳。封都鄉侯。督永安事。中軍師衛尉魯國劉琰亦都鄉侯。中護軍趙雲。江州都督費觀。屯騎校尉丞相長史王連。中部督襄陽向寵。及魏延。吳懿。皆封都亭侯。楊洪王謀等關內侯。南中諸郡並叛亂。亮以新遭大喪。未便加兵。遣尙書南陽鄧芝固好於吳。吳王孫權曰。吾誠願與蜀和親。但主幼國小。慮不自存。芝曰。吳蜀二國之地。吳有三江之阻。蜀有重險之固。大王命世之英。諸葛亮何本無字一時之傑。合此二長。共爲唇齒。進可兼并天下。退可鼎足而峙。李本作時大王如臣服于魏。魏則上望大王入朝。其次求太子入侍。若其不從。則奉辭伐叛。蜀必順流。見可而進。如此江南之地。非復大王之有也。吳王大悅。與蜀和報。何本作親使聘歲通。芝後累往。權曰。若滅魏之後。二主分治。不亦樂乎。芝對曰。滅魏之後。大王未深識天命者。戰爭方始耳。權曰。君之誠懇。乃至於此。書與亮曰。丁宏。何本小注云。蜀志宏作宏。孫權謂宏言多浮有按字。劉李本空。挾張陰化不實。和合二國。惟有鄧芝。二年。丞相亮開府。領益州牧事。無巨細。咸決於亮。亮乃撫百姓。示儀軌。約官職。從權制。盡忠益時者。雖讐必賞。犯法怠慢者。雖親必罰。服罪輸情。何本作辭

著雖重必釋遊辭巧飾者雖輕必戮善無微而不賞惡無纖而不貶庶事精練物究其本循名責實虛僞不齒終乎封域之內畏而愛之刑政雖峻而無怨者以其用心平勸戒明也辟尙書郎蔣琬及廣漢李

邵巴西馬勳

此下應接寫劉吳何李本無空位

爲掾南陽宗預爲主簿皆德舉也秦宓爲別駕犍爲五

劉李本作王

梁爲功曹

梓潼杜微爲主簿皆州俊彥也而江夏費禕南郡董允郭攸之始爲侍郎贊揚日月

吳遣中郎將張溫

來聘報鄧芝也將返命百官餞焉惟宓未往亮累催之溫問曰彼何人也亮曰益州學士者也及至溫問

宓曰君學乎答曰五尺童子皆學何況小人溫曰天有頭乎在何方也宓曰

何本有在西二字

詩云乃眷西顧知其

在西又曰天有耳乎宓曰詩不云乎鶴鳴九臯聲聞于

劉李本作於

天若無其耳何以聽之又曰天有足乎

曰詩不曰乎

何本作詩云

天步艱難之子不猶若其無足何以步之又曰天有姓乎曰姓劉何以知之曰其子

姓劉又曰日生於東乎曰雖生於東終沒於西答問如響之應聲溫大敬服宓亦尋遷右中郎將長水校

尉大司農三年春長水校尉廖立坐謗訕朝廷改徙汶山立自荊州與龐統並見知而性傲慢後更冗

散怨望故致黜廢三月亮南征四郡以宏農太守楊儀爲參軍從行步兵校尉襄陽向朗爲長史統留

府事秋南中平軍資所出國以富饒

冬亮還至漢陽與魏降人李鴻相見說新城太守孟達委仰於

何本作

亮無已亮方北圖欲招

何本作推

達爲外援謂參軍蔣琬從事費詩曰歸當有書與子度相聞對

何本作

孟達小子昔事振威不忠後奉

何本誤命

先帝背叛反覆之人何足與書亮不答詩數率意而言

何本無而言兩字有小

注云率意凌遲語在蜀書中

故凌遲於世

十有二月亮至群

何本作郡

官皆道迎而亮命侍郎費禕參乘禕官小年幼

衆士於是莫不易觀。四年永安都護李嚴還督江州城巴郡劉李本大城以征西將軍汝南陳到督永

安封亭侯。是歲魏文帝崩明帝立。五年魏太和元年也春丞相亮將北伐上疏曰今天下三分益州

疲弊此誠危急存亡之秋也然侍衛之臣不懈於內忠志之士亡劉李本身於外者咸追先帝之遇欲報

之陛下也先帝以臣謹慎故臨崩寄臣以大事受命以來夙夜憂歎故五月渡瀘深入不毛今南方以劉

本作定兵甲以劉李本足當帥將武侯集何本三軍北平何本中原庶竭鴛鴦攘除奸凶克復漢室還

乎舊都此臣所以劉李本報先帝而忠於陛下願陛下託臣以討賊興復不効則治臣之罪以告先帝之靈

陛下亦宜自謀諮諏善道察納雅言不宜引喻失所劉李本以塞忠諫之路也又曰親賢臣遠小人先漢

所以興隆昵小人疎君子後漢所以傾覆侍中郭攸之費禕侍郎董允先帝簡拔以遺陛下斟酌規益武

集作損進盡忠言則其任也宮省之事悉以諮之必能裨補闕漏有所廣益也以尙書南陽陳震爲中

書令治中張裔爲留府長史與參軍蔣公琰知居府事二月亮出屯漢中營沔北陽平石劉李本馬以

鎮北將軍魏延爲司馬六李本年春丞相亮揚聲由斜谷道取郿使鎮東將軍趙雲中監軍鄧芝據

箕谷爲疑軍魏大將軍曹真舉衆當之亮身率大衆攻祈劉吳何李山賞罰肅而号劉吳何本令明天水南安

安定三郡叛魏應亮關中響震魏明帝西鎮長安命張郃何本拒亮亮使參軍襄陽馬謖裨將軍巴西

王平及張沐何本作休李盛黃襲等在前違亮節度爲郃所破平獨斂劉李本衆爲殿而雲芝亦不利亮

拔將西縣千餘家還漢中戮謾及沐盛以謝衆奪襲兵貶雲秩長史向朗以不時臧否免罷超遷平參軍